



Služba za urbano planiranje, investicije, stambene I komunalne poslove  
Odsjek za komunalne poslove  
Broj: 0812-440  
Sarajevo, 30.05.2018. godine

**ODSJEK ZA URBANO PLANIRANJE**  
N/R Arijana Musić, šefica odsjeka

Predmet: Realizacija zaključka Komisije za spomenike

*Poštovana,*

Komisija za spomenike Gradskog vijeća Grada Sarajeva je, postupajući shodno Odluci o spomenicima od značaja za Grad Sarajevo, rješavajući po Inicijativama Gradskog vijeća Grada Sarajeva, konstatarala da je podizanje spomenika Esadu Arnautaliću, Kemal Montenu i Dariju Džamonji u parku kod FIS-a od značaja za Grad Sarajevo.

Prilikom odlučivanja, Komisija je jednoglasno donijela sljedeći zaključak: "Komisija za spomenike konstatira da se očekuje da će Gradonačelnik poduzeti mjere za preispitivanje odnosa u prostoru, te statusa predmetnog parka u cjelini sa svih aspekata koji utiču na buduće rješenje, iniciranjem izrade donošenja urbanističkog projekta kojim će se jasno definirati spomenički kompleks usklađen važećom planskom dokumentacijom višeg reda".

Molim da nam date upute na koji način je moguće realizirati ovaj zaključak.

*S poštovanjem,*

Šef odsjeka za komunalne poslove

Amir Pandžo, dipl.ing.saob.





Služba za urbano planiranje, investicije, stambene i komunalne poslove  
Odsjek za urbano planiranje, investicije i stambene poslove

Broj: 08/1-182/18  
Sarajevo, 31.05.2018. godine

**ODSJEK ZA KOMUNALNE POSLOVE**  
Gosp. Amir Pandžo, šef odsjeka

**PREDMET: Informacija**

U vezi Vašeg dopisa, broj: 08/2-470/18 od 30.05.2018. godine, kojim tražite upute u vezi realizacije zaključka Komisije za spomenike Gradskog vijeća Grada Sarajeva, a koji se odnosi na spomenički kompleks u parku kod FIS-a, dostavljamo sledeću informaciju:

Planski dokumenti su razvojni i detaljni.

Razvojni planski dokumenti (**planovi višeg reda**) su:

- Prostorni plan Kantona Sarajevo za period 2003. do 2023. godine („Službene novine Kantona Sarajevo“, broj 26/06, 4/11 i 22/17);
- Urbanistički plan grada Sarajeva za urbano područje Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 1986. do 2015. godine („Službene novine Kantona Sarajevo“, broj 5/99, 14/00, 4/02 i 37/14)

Takođe, na osnovu UP-a, izrađen je i usvojen **Program razvoja gradskog jezgra Sarajeva** („Službene novine Kantona Sarajevo“, broj 13/00 i 7/04). Navedenim Programom izrađen je Pregled urbanističkih projekata gradskog jezgra, koji su grupisani prema prostornoj podjeli na 10 područja, sa definisanim obuhvatima.

U skladu sa Programom razvoja gradskog jezgra Sarajeva, predmetni lokalitet (Park kod FIS-a) nalazi se u okviru obuhvata (broj 7.) - Centralni dio Općine Centar, a u cilju dalje izrade planskih akata, ovo područje je podijeljeno na 22 prostorne cjeline (7.1. – 7.22.), za koje su dati osnovni programski uslovi.

**Park kod FIS-a nalazi se u okviru prostorne cjeline 7.8. Urbanistički projekat „Predsjedništvo parkovi“, tj. obuhvat između ulica Kulina bana, Mis Irbina, Branislava Đurđeva, Titova i Hamze Hume.**

Odredbama Zakona o prostornom uređenju Kantona Sarajevo („Službene novine Kantona Sarajevo“, broj 24/17 i 1/18) definisane su vrste planskih dokumenata, te propisane nadležnosti i procedure pripreme, izrade i usvajanja istih.



Za **urbanistički projekat**, propisano je sljedeće:

- Urbanistički projekat je detaljan provedbeno-plaski dokument, kojim se reguliše korištenje zemljišta, izgradnja i uređenje prostora. Sadrži idejna urbanistička i arhitektonska rješenja objekata ili kompleksa, sa detaljnim uslovima za projektovanje i građenje.
- Urbanističke projekte donosi općinsko vijeće.
- Nosilac pripreme za izradu urbanističkog projekta je općinski načelnik.
- Nosilac izrade planskih dokumenata je Zavod za planiranje razvoja Kantona Sarajevo.
- Inicijativu za izradu urbanističkog projekta može pokrenuti gradonačelnik.
- Inicijativa mora imati stručno i detaljno obrazloženje i ista se upućuje nadležnoj općinskoj službi, koja dalje postupa po propisanoj proceduri.

Mišljenje:

Na osnovu svega navedenog, smatram da se zaključak Komisije ne može realizirati na način kako je navedeno u istom.

U skladu sa zakonskim propisima i planskim aktima koji definišu oblast prostornog uređenja u Kantonu Sarajevu, trebalo bi izraditi i usvojiti **Urbanistički projekat „Predsjedništvo parkovi“** (obuhvat između ulica Kulina bana, Mis Irbina, Branislava Đurđeva, Titova i Hamze Hume), u okviru kojeg se nalazi mikrolokacija – Park kod FIS-a. S obzirom na zaštićene objekte (zgrada Općine Centar, Predsjedništvo BiH, Željeznice BiH), nedavno rekonstruisani Trg 1. korpusa Armije BiH, kao i postojeće saobraćajnice, nepotrebno je inicirati izradu Urbanističkog projekta „Predsjedništvo parkovi“.

Takođe, prije petnaestak godina, Grad Sarajevo je realizovao prvonagrađeno konkursno urbanističko-arhitektonsko rješenje za predmetnu lokaciju, a 2005. godine proveo Konkurs i realizovao prvonagrađeno rješenje za Spomen-obilježje Mirzi i Davoru, (dokumentacija u Službi za komunalne poslove).

**U cilju podizanja spomenika E.Arnautaliću, K.Montenu i D.Džamonji, smatram da nije potrebno raditi gore navedeni Urbanistički projekat, nego eventualno raspisati konkurs za idejno rješenje spomen parka, uz uvažavanje već izgrađenog Spomen-obilježja Mirzi i Davoru.**

S poštovanjem,

Šefica Odsjeka za urbano planiranje,  
investicije i stambene poslove

  
Arijana Musić, dipl.ing.arh.

Dostaviti:

- Naslovu
- Evidenciji
- Arhivi